

盾

墨

拾

餘

四魂外集卷二

哭盒叢書

易順鼎哭盒

魂海集中詩九十一首

乙未重五送哭盒往臺灣奉和留別原韻三首

楊觀圭

痛哭新聞策萬言
人間無地訴煩冤
曼胡欄具纔攜劍
繁弱忘歸已橐鞬
空款九關櫻虎豹
更尋三島駕鼉鼉
行裝莫載匡廬集
恐有天吳恣攫吞

魑結名王起趙佗
聆言再拜陸生過
虞淵已急西頰日
底柱將回東逝波
誤翦鶉維乘帝醉
劇傷龍劫舞天魔
看君

跋浪滄溟去青眼樓頭一放歌

竟向埃風駟玉虯甯論數化是靈修鸞皇將使爲先戒蛟
鱷猶聞據上游忠信波濤真可涉細縕雲霧況相求幼安
已辦遼東帽鹿島他年誓泛舟

送哭盦觀察渡臺

晏蚩聲

漢壽觀笈天下才墨經攜劍從軍來將軍幕府重揖客指
畫風霆滄溟開金牌十二趣停戰款夷全失大朝面更乘
帝醉剪鷄首百萬健兒付一歎孤臣上書書萬言一朝英
名震九殿蒼琅不啟紅日昏東瀛割地地爲傾康頭中丞
信人傑巨鰲屬嶼三山擄英雄結契本千古雲自從龍風

從虎長揖軍門不顧去男兒意氣重心許乘槎直犯牛女
垣彎弧好射扶桑瞰何物小醜敢跳盪天吳睽暘馮夷犇
欲得虎子入虎穴赤手思彌尾闕缺茅土尺寸甯與人血
忱激湧一腔熱從茲詩價增雞林紫塞青燐誰共吟河梁
空攜子卿手滄波疇聽成遠琴人蛙坐井不如死我亦乘
風想萬里茫茫六合乾土無孰使龜茲小如此吁嗟乎吾
王孱王時政偷輸壤輸幣毫不羞安危大計屬黔庶王風
委蔓尤私憂行矣孔璋復何說干戈滿地柳誰折荆高去
後稀酒徒易水千年又今別蒲桃留犁盡此觴欲行不行
各斷腸他日雲臺畫才子風流遠勝夫餘王

送賢甫觀察渡臺

衡陽夏時濟

彝恂

同聽笳鼓佐元戎，蠻觸紛馳一夢中。
豔說車塵先洗北，誰云地氣漸從東。
龍旂閩海宵徻雨，虎蠶臺城夜嘯風。
此去雲雷憑掌握，漢廷諸將莫言功。

絕世風流羨尉佗，趙家天子夢南柯。
高皇側室稱名正，先壘中原念舊多。
一笑老夫聊自適，百年伯業欲如何。
中朝憤激尋常事，敢信分茅有伏波。

橫飛泥馬浙潮東，臣姪青衣王氣終。
南渡偏安猶正統，中原殘局仗孤忠。
復讐豈被金人誤，廟算徒輸玉幣空。
唇齒將亡爭末路，疇憐刀斫向西風。

南國多才遘陽九後先海外共投荒
鑪香舊夢朝烟煖水驛新愁瘴雨涼
麟閣勛名爭遠大夫餘政績待平章
莫誇陳寶驚神怪秦伯雄圖未渺茫

寶甫觀察我師大人將之臺灣俚句奉贈 王 燮

忍奉心肝飽毒蟲漢家無計又和戎
南天砥柱倏灰劫東海歸墟戀郅隆
亦有壯懷探虎穴好將血淚濺鮫宮
與君此別須珍重萬感淒涼落照中

送寶甫同年于役臺灣四首

以下數首詩扇遺失
僅記斷句俟補錄

張景藩

羣公忠憤少一代霸才難 第一首

宏詞鄭夾漈痛哭賈長沙

第三首

同作依劉客何堪唱渭城卅年幾知已一節重平生話別
巴山夜悲歌易水情河梁且攜手有淚莫縱橫

送寶甫觀察渡臺

仁和

汪

雱

篤甫

歸齊肯作田橫客策漢猶當賈誼年

舟中雜感次易實甫文桑字韻二首卽以奉贈敬求哂政

漢陽

黃慶曾

篤友

年年觀海極扶桑
鐵羽天涯總自傷
少小未能廢文酒
危時何處有莊康
鯨波鼓盪浮空白
鴻議雍容說外黃
父執同舟況詞伯
敢將下里傲霓裳

時局艱難哭景桑
中原戈馬重夷傷
昔年圖籍通身毒
今日朝廷已建康
將帥有才需頗牧
春秋無備責江黃
伏波橫海窮膏血
空作南車賚越裳

錄呈實甫詞宗誨正

葉榆

鄭輝典

丙唐

海氣荒荒夏轉寒
魚龍國外有衣冠
未能殺賊生原忝
如

此遭時死亦難少日聲華知絕俗中年哀樂忽無端
琳瑯夜熱沈檀讀滿紙酸辛不忍看

天上譁傳有謫仙星芒光射楚江邊詩囊劍匣三千里
文囿騷壇二十年痛哭江頭哀杜甫移情海上問成連
前身聞道緱山客怪底紛營百慮捐

成灰紀恨一何哀誓死從戎亦壯哉白雪難爲巴客曲
長沙深屈賈生才國門市骨難論值邊地籌兵空有臺
招屈亭邊可容隱雲中鶴翮幾時迴

客次滬上適值吾師奉使臺灣聊製短章以壯行色

李廬毓

榆關返旆度唐山勞頓風塵日未閒擊楫方欣來滬上乘
桴又看入臺灣馬銜蝸像頻爭逐虎穴龍潭獨往還珍重
臨歧多少恨無言相對淚潸潸

前詩甫成錄以走送乃吾師已展輪去回寓悵悵作此寄
感

李廬毓

送君不及見君已著先鞭轉瞬忽千里傷心各一天依劉
艱此日歸漢定何年壁上觀兵久遙遙望眼穿

和易實甫觀營渡臺感懷六首

餘姚

吳彭年 季鏗

定遠天教去復還書生勛業出行間狂瀾有志迴滄海片
石何年認峴山和戎空誤國將能堅壁未平蠻包胥

甘作秦庭哭叱馭何辭九折艱

九重何忍棄斯民斗柄寅回又是春
反側夷情終割宋回思遺澤豈忘郇
烏江羞渡八千旅孤島堅存五百身
太息唐衢徒自負羸將笑柄說逃人

東南聞說靖狼烽大帥天生氣特鍾
鐵甲久經沙漠苦泥丸穩塞玉關重
蕭蕭易水辭燕客鬱鬱濃陰憩鶴松
收拾珠崖珍重地緩騎款段任遊踪

南荒天闕勢巍巍霸業分明百折消
草木皆兵思萬福衣冠垂拱服神堯
饒涎儘聽吞他國熱淚難期達 聖朝
忽往忽來忠義血可憐齊化赤嵌潮

戎馬倥偬老歲華還憐痛哭賈長沙江南快奉援師檄帳
下齊簪使節花終不封侯誇射虎那容藏拙運靈蛇中流
好掬盟心水擊楫同浮犯斗槎

祇爲蒼生放一頭身閒不泛五湖舟胸中有子爭危局海
外何人識故侯成敗漫言歸大錯笑談奚補愧清游無聊
試上澄臺望淚眼撐開隘九州

敬和寶甫觀察寓臺詠懷六首恭步原韻錄呈劄正

臺灣

許南英

繇白

黑海黃河任往還榆關回首白雲閒悲歌有客來燕趙憑
弔無人管海山寇準信能司北鑰趙佗浪說長南蠻有誰

起任籌邊事國士無雙尙內艱

浮槎爲我難中民清節和神澤似春儒將流風君借寇黍
苗膏雨伯思郁結交肝膽同盟血誓許頭顱不惜身記得
白龍庵裏會澧蘭沅芷憶佳人

赤坎孤島萃狼烽仁軌天生閒氣鍾毘舍耶山開一局婆
娑洋海隔雙重殘山賸水呼倉葛晚歲寒天見老松竟使
葫蘆依舊樣紫橋尙有黑旗蹤

元武旗擄五丈巖扶桑霸氣黯然消不甘被髮冠冠楚猶
是章身服服堯議院廣開民主國版圖遠隸 聖明朝請
看強弩三千備鹿耳門前射怒潮

煤礦茶榴萃菁華況有金苗日揀沙爭羨五行山獻寶忽
驚兩度礮開花紙糊媪相貽蜂蠶錢賜倭奴豢豕蛇失馬
塞翁渾禍福問天欲泛斗牛槎

投筆從戎戀虎頭巨川欲濟苦無舟涕零闕下陳同甫談
笑軍前李鄴侯仗劍定應除醜虜執鞭竊願逐豪游滿腔
熱血向誰灑諸葛先生近豫州

題魂南集錄呈寶甫有道指政

都昌

李乘時 秀峰

破碎河山盡淚痕天南回首黯銷魂田橫絕島成孤注賈
誼中朝有萬言將相何心拋社稷鬼神應泣動乾坤風濤
穩涉憑忠信此卷蛟龍不敢吞

敬題哭盦先生魂北集錄請鑒正

嘉應 黃遵憲 公度

一卷先生自挽詩神枯心死賸情癡
杜鵑再拜無窮淚烏鵲三飛何處枝
生入玉門雖不願上窮碧落究難知
尺書地下君先問只恐回書說暫離

乙未立秋日訪易實甫偕坐山亭復同泛秦淮實甫用前韻作詩和韻答之

黃遵憲

袖裏魂南一束詩茫茫相對兩情癡
看揚玉海塵千斛喜賸青溪艣一枝
鶉首賜人天旣醉龍泉伴我世誰知
死亡無日何時見況又相逢便說離

實甫先生復以魂南集索題賦此乞正

黃遵憲

江山如此魂安往天地無情眼久枯咄咄千年真怪事茫
茫四海竟窮途分明清酒黃龍約顛倒天吳紫鳳圖望子
歸來願毋死聲聲君聽墓門烏

夜泛秦淮仍用前韻和實甫

黃遵憲

九州莽莽怱怱走兩鬢蕭蕭漸漸枯隔絕蓬萊難附鶴折
餘楊柳可藏烏筆留白石飛仙語袖有青溪小妹圖猶是
人閒乾淨土莫將樂國當窮途

奉題大集錄呈碩甫學兄指正

華陽 王秉恩 雪敵

忍心唾手棄珠厓天意茫茫劇可哀未到窮途猶有淚那
經變局更無才滄溟共望扶餘國元海曾登大將臺魂北

魂南何定所不勝悲憤卻歸來

奉題寶甫先生魂南集後即用見贈元韻

平江

張璵
翰堂

濯足扶桑萬里來陳稜到處海雲開
捐崖自用君房議擊楫終資士雅才
三戶正期張舊楚一戎行見靖全臺顯揚
勉答春暉重手撫柩捲莫過哀

青溪握手慰相思見示遺山本事詩求洒國羞懷馬革不
勝喪紀痛雞斯元精上訴神霄泣至性旁孚大地知欲借
湘東金管述卻慙錦窄甚耶遲

頌甫魂南集題辭

仁和

譚獻
仲修

竟從鵬翼徙南溟海氣荒荒偃漢旌島上片雲占破敵匣
中長劍應同聲信陵功就三千客小范匈羅十萬兵洗耳
鏡歌新樂府仲連老未厭餘生

事尚可爲
因以壯之

奉題魂南集呈寶甫觀察正韻

宿松

高駿烈

夕陽西照碧梧桐海鶴歸來唳晚風鯨浪未平雲變滅蜃
樓曾入曙玲瓏孤琴淒咽笳吹月健筆縱橫劍吐虹擊楫
渡江歌一曲千秋忼慨更誰同

讀寶甫魂南集感賦二律兼送其臺南之游

成都

岳嗣佺

堯仙

支筇且上鄭王臺喜見扶餘雲外開叩闕九關披日月振

衣三島動風雷海蛟曼衍成樓氣天馬凌空出將才欲把
背嵬承往績幾回空擬說兵來

時余方注說兵篇又以事
羈未克與君伸指臂之約

故有
未句

呼天何自訴煩冤東鰈波翻觸海門繆醜和戎輸遠島武
安無計奠中原浮空泡影魚龍國灑血雲迴虎豹闔莫向
咸彭尋舊事九歌篇在問誰論

和哭盦道人臺舟感懷元韻

許南英

兩洋無水濟枯魚妄誕紛傳鬼一車願渡長江追士雅那
堪秋雨病相如誰偕秦伯無衣賦猶作顏公乞米書傀儡
已登場作戲暗中任彼綫提予

悲笳隱隱日當窗黃鳥哀鳴去此邦漫道分龍渡東海竟
無甦鮒決西江干戈滿地孤城險波浪兼天巨艦撞羨殺
餘姚吳季子

季

星旗隊裏換雲幢

東征果亦缺旂將士南歸力不支新鄭牽羊驕楚子臨
洮牧馬許胡兒患生肘腋千金盡氣結肝腸一劍知心鐵
磨餘磨鼻盾指揮子弟守城陴

投鞭快語聽苻堅將帥弢鈴祇望天嗜癖衛公能飼鶴含
冤蜀帝其嘯鴟成虵始信難添足羣螿如何不慕羶半壁
東南留半壁餘生效死亦時賢

乙未八月由臺灣內渡適與實甫觀察世大人同舟共濟

譚次甚愜相見恨晚扶病強起勉成二律錄呈誨正並乞

斧削

湘潭

黎景嵩

伯諤

芸香三代舊交情海上同舟倚身旌比羽雲霄瞻葛亮哀
時詞賦羨蘭成欲憑赤手波瀾挽祇此丹心草木驚慘澹
經營秋已老鯤身回望陣雲生

墨經從戎信矯然如公忠孝亦神仙百端籌畫思回運一
疏淋漓冀格天不意河山真變色豈知將帥盡投鞭屠鯨
技妙空磨劍孤負良謀化海烟

中秋前三日由臺灣抱病返廈感賦二律再錄奉呈實公

誨正

黎景嵩

樓蘭未斬病先魔，帕首鞞刀蕩逆波。
虎口餘生容我返，鯤身腥氣逼人多。
揭竿漫據田橫島，逐逝誰攜夸父戈。
萬里一肩秋，又老將才何處覓廉頗。

殘夢支離海月涼，清空入抱擁犀王。
寶刀在匣寒生燄，越壘沈沙夜有光。
望氣張三殊怵爽，罵人劉四太荒唐。
躊躇滿志風雲際，起舞還治鞞鞋裝。

實甫觀察大人鈞教

臺灣

林鶴年

筆雲

部洲四大奇男子，一代詩才變雅多。
晉室褒忠劉越石，

揚

淵厓門弔古易秋河

秋河晚年家厓山著紀忠錄

象姦鑄鼎鳴孤憤，正

氣扶輪發浩歌。目極燕雲空涕淚，手攀廬柏誦蒿莪。

奉次原韻呈哭盦觀察大人政

林鶴年

塗炭衣冠敝帚珍亞洲風會党維新綱常扶植惟忠孝時
局艱難孰主臣曲庇遼金終禍宋舊盟安息已通秦因君
重抱依劉感置驛南陽忝舊賓

辟地鷺洲殷憂在抱展誦實甫觀咎同年寓臺詠懷六首
潛焉出涕積懣流肌所觸輒起勉和元韻掄雜寡緒不能
工也

臺灣

施士洁

雲舫

滄海桑田一往還真仙泥爪尙人閒妖氛五百童男壘瘴
霧千重鬼子山俠客騰蹤龍變化參軍學語鳥綿蠻痛君
墨經從戎去我亦椎心值母艱

兩字頭銜署棄民避秦羞見武陵春梓桑脈絡關泉厦棠
黍恩膏失召郁誰向南天擄赤手那容東海變文身紛紛
灞棘都星散淒絕田橫島上人

百雉嵌城警夕烽諸軍鼠伏帥龍鍾亂民競識黃天立弱
國難憑黑水重湖上舟偏遊范蠡川中圖已獻張松何人
更灑秦庭血輓粟飛芻久絕蹤

鼓浪山前片石堯墳留磊塊幾時消鴉猶有魄終思蜀狗
已無家在類堯袴子阮鬚方作劇大刀劉綆未歸朝泣呼
靖海先襄壯

將軍以平臺功封靖海侯謚襄壯

生死英靈起怒潮

擊楫瀛壖訪法華

臺南城外夢蝶園明季李先

生鄭氏故址今爲法華寺漫天狼燧

照鯤沙虎豹帳下窺詩草鬼蜮波閒避劍花鐵甲藏胷驅
怪鱷寶珠在手握靈蛇荊州何幸今相識奉使剛歸八月
槎

黑子彈丸海盡頭漂搖誰與念同舟風聲鶴唳干邨驛火
色鳶肩萬戶侯戍婦刀頭難夢到居人釜底且魂遊扶餘
豈必無王氣況我堂堂赤縣州

鷺門客感卽和寶甫觀察同年續寓臺詠懷六首元韻

施士洁

一著相如犢鼻禪相逢逆旅看王孫碎身甘蹈窮邊海抉
目羞言故郭門帆影淒涼毗舍國簫聲嗚咽乞兒邨蠻花

狇鳥今成夢幻作潮痕與淚痕

援絕臺城杏紙鴛七鯤斜日薄虞淵神州劫重將沈陸杞
國憂深或墜天未向楚師加矢一似聞秦賦罰鍰千紅毛
樓上空回首十萬人家冷竈煙

天闌欲叩黯魂傷痛飲離騷弔楚湘誰料征蠻銅柱馬化
爲夢蜨漆園莊景陽門內人延敵函谷關前客遯荒故鬼
煩冤新鬼厲那堪六月慘飛霜

不信人蛇有兩頭木罌夜渡百無憂別營兔窟思安枕坐
視燕雲忍割州亞父唉聲空碎斗仲宣愁賦怕登樓臨風
何限新亭淚舉目山川已變秋

枉誇萬劍昔橫磨劉秩能當以落河泣涕有書陳賈誼瘡
痍無術起華佗草雞讖緯雄圖盡荷鬼腥羶舊迹多揆一
未鋤非種去延平九地恨如何

此邦難近虎狼秦黔首雖愚性自均辟紂居濱非得已吞

吳轉石又何人門穿桔株狐能劇并廢蒜荼鬼與鄰遙酌

天球墳上草幾莖殘髮有餘春鄭氏歸命後明甯靖王絕

幾莖髮於今事畢矣祖宗宗應見納甯靖
別號天球子墓在今鳳山縣竹滬莊

聞旂後安平警報日嚴終夕不寐代淵帥遣懷一律

林鶴年

牖戶綢繆未雨陰天王明聖罪臣心

抗旨故稱罪臣

頭顱拚以傳

關塞肝膽終當照古今百戰紅河盟逝水千秋赤嵌祀長
林金牌反報黃龍捷痛飲歡聞檜賊擒

奉和鼈雲年世丈感時一律卽呈哭盒觀答

施士洁

壞雲片片壓城陰千萬遺民九死心糧饟大難和戰守滄
桑小劫去來今尉佗窮相逃黃屋李勣衰年愧綠林羽扇
綸巾好風度枉誇瀘水縱還擒

瀘水在今越南宣光地

許蘊白駕部吾黨中之篤行人也今夏以來寇氛日偪黑
旂大帥誓死孤臺而饜細兵單戰守兩不足恃食肉者鄙
未能遠謀一時黨禍繁興善類荼毒僕蓋旁觀默驗於道

長道消之會而知天下事之難莫難於此也自維疏拙無
補於時既慚申胥之哭庭復愧魯連之蹈海鴟夷泛舸真
一挂冠僕能效之獨此鶴唳風聲之日戈金馬鐵之場蘊
白方從事其閒而進而益奮臺之婦孺其見其聞苟無斯
人則吾道終窮日事毛錐者不愈爲桓桓赳赳之夫所竊
笑耶今幸矣鷺門重聚執手濟然率凡書此不自知其爲
墨爲淚也錄呈哭盒觀誓同年訓定卽乞和章

施士洁

許侯裘帶本翩翩鶴立雞羣亦可憐鷙地海風吹汝到鹿
門戰艦鷺門船

絕好虬髯氣概麤河山再造望扶餘免冠自謝臣身老毛
穎今真不中書

伏波橫海登壇處慘淡風雲氣不揚今日已無乾淨土九
原愁殺六安汪

諸君勦力復神州可奈新亭滿目愁杜老早知嚴節度脫
身不必仗簾鉤

七星旂幟黑雲都昔日西人膽破無一笑軍中韓范在荷
戈爭及老田夫

將臺碩果儼然存天下無人不識君誰信夜來黃鶴杳唐
蒙去後又劉琨

子弟八千隨項羽臣民五百殉田橫南唐一闕家山破說
與鞏人那忍聽

龍尾幼安甘小隱虎頭定遠竟生還從來得失千秋案莫
作尋常一例觀

同遊南普陀贈石甫觀察

岳嗣侏

天風長嘯島雲垂雄鎮鬼鬼出海湄近市滄波鸞鶴遠盤
空怪石虎龍奇鮫人隱恨珠厓泣詞客精誠山鬼知多少
重洋好門戶更將魚鱗付阿誰

乙未九日偕笠唐石父遊南普陀登高放歌寄懷黃三兼
柬桐城魯如以示知者

岳嗣侏

海風吹雲萬萬古一拳衝波闢天宇珠崖割斷蛟龍愁豐
隆晝死刑天舞拔劍斫石君莫哀高歌一曲歸去來孔璋
莫負林泉約小易空恢王霸才故山渺渺隔烟霧海門遙
望江頭樹知己何人傳與曾少年誰擅凌霄賦五日驚濤
灩澦堆江波射天峽雲頽瑤姬垂鬢變昏曉黃郎筆陣從
低徊憶昔與君馳文囿君披干盾我烽埃子雲伯玉無嗣
音後來誰據江山秀自從連袂遊上京機鋒才思相縱橫
薇郎端坐中書省賤子飄零唱渭城雲帆高掛秣陵道指
揮烟月秦淮好尙書命我占陣雲畫蛇斬蛟成草草周旋
幸有易與陳古來誰識英雄人杞憂方作地維裂媧皇莫

補天無春九日登高望八極乾坤隱隱通呼吸戀闕空存
犬馬心扶搖枉費鯤鵬力比肩試插茱萸花看花且復醉
流霞願將歌哭沈吟意更從雲海問京華

泉州道中懷哭龔觀察

三水

梁成柟 子嘉

哭龔居士近如何計策文章痛哭多入穴便應擒伏虎成
師何事頓西螺客兮想像依松柏母也劬勞廢蓼莪幸有
渭陽 陳君笠唐觀察母舅 常見面不勞送遠作高歌

由廈門赴泉州適小妾攜家亦由臺中至感遇書懷和龔
林十卽呈哭龔觀察

梁成柟

徐福上天震天鼓攜斥雷公呵電母紫皇默坐噤無言許

令蓬萊割左股蓬萊縹緲古仙山萬厯之末名臺灣當時
黑水真人起薊北戎臣但閉關關門一開天下定海國孤
存明賜姓將軍破肚下澎湖牽羊肉袒降諸鄭臺民力逐
紅毛王遼瀋王師勢正強遼東已割臺灣棄肉食何曾有
肺腸仙官控鶴各歸去五百童男來此住秦時入海何不
來令我沈思淚如注南北東西祇一身今年貧甚去年貧
君爲海上羈栖客我作臺南痛哭人溫陵何意逢桃葉無
心我乃來迎接此行雖苦不孤單客舍有書兼有妾
實甫先生見示魂東魂北兩集率題求教

閩縣

葉大莊

臨恭

云詩集 四云夕集卷之二
往日聞名恨見遲相逢改號哭盦時經而受命兵閒禮琴
不成聲練後詩遼潘秋來消息斷臺澎水退事機危空江
初雪天如墨魂北魂東聽所之

再題寶甫先生大集并求教正

葉大莊

哭盦誓死願難償兩卷詩終哭百場愛國忠君神所佑生
天成佛福何長山河滿目稽中散日月如流盛孝章此後
告存煩報我一江上下勿相忘

三題哭盦先生大集乞教正

葉大莊

出師早辦葬於殽況復妖星近在郊天子生還心不願地
無死所骨難拋彌留務觀思家祭謝病誠齋惡邸鈔爲有

匡山舊精舍相期頭白臥衡茅

寄易仲實

長汀江 瀚 叔海

四年前走長安路舊事難忘漢陽渡愁裏逢君笑口開官
衙風雨對牀住具區衝雪情如昨峩頂撐雲迹愈故人生
聚散一何多武昌樓外別重賦旋聞泣血似何琦又見上
書同賈傅漢家制度詎容更慨慷幸免匡張怒鯨魚跋浪
滄溟中遯東漢燧連山東礮聲啞啞鼓聲死蕭娘呂姥誰
爲雄一朝割地何怱怱從軍唯博詩篇工海宇承平且歸
去武陵長有桃花紅

天香

黃遵憲

實甫以鹿港香見惠言比宋末龍涎何如因撫此調誌感

黃熟仙鄉白光淨域金銀與土同價神叢一博十斛珠塵
撒手公然割捨滄波渺渺烟斷處蓬萊乾也多少鮫人紅
淚溼透臨行冰帕 天南彩鸞誰跨香包上刻一跨鸞人認分明鬢
香長者拉雜李儂唐溼一齊擣麝便有蜃樓雲氣纔過眼
還隨海波瀉歸去廬山且分蓮社實甫有別業在廬山

天香

黃遵憲

實甫購鹿港香歸作扶鸞清供又撫此贈之錄乞拍正
心字篆成頭香燒過沈沈碧落今夜呼雲引鶴傾海勅龍

邀取靈簫鸞駕銀屏珠箔問老母可曾睡也海外人閒天
上絮絮家常細話 幾度斷腸花謝又天風雨新好者新
舊連環腸斷不曾放下拈到手中密綫此香又名綫香教薩保重
尋錦袍罽綫滅香銷灰終不化

金縷曲

黃遵憲

實甫爲題吳船聽雨圖和韻奉答自注云破綺語戒故
作畔離騷以廣其意

海水隨杯瀉賸殘山青溪幾曲丁籤如畫乾盡桃花紈扇
淚莫論六朝宮瓦又黑到漫漫長夜喚取花奴催羯鼓便
手如白雨聲聲打今不樂休放下 一年容易秋風也聽

烏篷淒淒戚戚偏人驚怕我欲逃禪君破戒且作拈花情
話何苦要龍癡羊啞一味婦人醕酒樂把百年樂盡歌纔
罷君莫管酒燈爇

金縷曲

上元

王德楷 木齋

奉和實甫長兄先生賜題吳船聽雨圖韻卽贈歸楚恪
呈訓正

雲氣高天瀉是模糊淚痕是墨滄桑難畫萬里鯨風吹海
立攪碎龍堂鱗瓦看迤邐江烽照夜有限六朝王氣在禁
幾回潮汐空城打又木葉數聲下 餘生窮島生還也仗
孤忠波濤橫涉魚龍應怕一紙罪言臣昧死便算癡人夢

話誰耐學雌蟬終啞眼底蟲沙驚急劫正夢回七日鈞天
罷枉待日燭挑爇

賀新涼

黃遵憲

實甫臨別再撫此調見寄次韻奉答卽送其還湘

滾滾波東瀉賸六朝媚人殘月一鉤如畫黑塞青林都照
過還照空梁屋瓦真要聽秋墳子夜魂北魂南歸何處看
蛟螭白晝龍堂打斬馬劍仍放下 鳴夷一舸君行也展
眉頭大千秋色愁來莫怕燕子板橋名士鯽付與柳生平
話聽滿座笑言啞啞南部烟花東京夢又承平氣象謹兵
罷謔謔樂忘燈爇

賀新涼

黃遵憲

用前韻題王木齋吳船聽雨圖

亂雨跳珠瀉認王郎烏衣年少倚舷讀畫生長六朝烟水
地久把烏篷當瓦又聽慣吳娘子夜爛熟江南腸斷句疊
愁心還任梅黃打聲聲櫓丁簾下白頭海客纔歸也十
九年蛟宮鼉窟風波嚇怕難得西窗紅燭影留作巴山雨
話看鳧雁隨人啞啞以水爲家真樂境便綠簑青笠歸來
罷悄悄對篆烟地

四魂外集卷三

哭盒叢書

易順鼎哭盒

魂海集下詩五十九首

鄭衡陽見示函樓元日讀說文詩依韻和寄易中碩

湘潭

王闔運

王秋

冬來雨雪連七旬況值歲餘書罷讀新年休暇有成例官
印未開家閉塾朝朝擁被仰屋梁但訝春遲日月速縣吏
送詩驚我懶細字連翩墨痕蹙令君多暇不廢文催科非
忙吏非俗函樓歲歲有元日憶昔餽我銀斤六心高才大
不耐官自說浮屠恥三宿卽今同老荒江上誰言蠟屐賢

障麓豈如令君捧檄來宦海無人知蘊蓄例之勞績偶酌
委那計清才有篇幅臨蒸繁劇奔走疲儒勾迂疏逢色日
置此一笑且賦詩丁耶張耶此其續函樓周甲重抱包老
湛十年始釐牘嗟余蝨此仕隱閒但恨字多賁難熟誰其
似者易中碩有官未免枵其腹空吟玉瑄媚憲帥一入青
油不收錄昵鵲二寶相望冷荆河華陽花簇簇無緣更喫
六安茶那能再請三條燭強呼許沖作部民不得仙屏回
睽矚家風漢宋如水火汲黯唯宜細荆束今捨良峰師壽
陽母乃好學非信篤因君感我思芒芒傷哉兩雄辱齊夙
若能隨分習舉隅何至免冠嗟髮禿急持手版候散衙未

成詩句與中足

光緒甲午冬石甫仁世兄有道奉尊人命墨經從戎周歷
關海再至臺灣兵事既解而歸出示所箸魂東魂北魂南
三集忠謀碩畫備見於篇不僅其詩悲壯沈雄一時無兩
也三復之下不能自已於言率成三律奉題卽乞教正

長沙

王先謙

益吾

一騎榆關共雪飛
兵戈愧爾老萊衣
詩篇苦思令人瘦
國事甘心豢敵肥
曹李厭厭生亦死
房劉碌碌是耶非
手無迴日霜鋒在
欲把江東羽扇揮

求金趁舶赴戎機
膽略如君世所希
鹿耳鯤身猶可守
烏

頭馬角不言歸耿恭疏勒期同死元翼深州竟突圍枉說
健兒身手好坐看炎海長封豨

不見犀舟日夜浮滄溟何計限鴻溝人元皆醉天胡醉君
欲無愁我始愁大渡畫圖疑玉斧臺城說夢是金甌高歌
青眼憐吾老前席應煩效一籌

昨得尊大人贈詩用其韻口占一首與弟附錄紙尾吾不
能詩聊言相見時形狀耳

長沙

嚴家鬯

和香

一見惟痛哭握手靡他聲天下事難問吾徒性不更此身
皆是贅所病在多情何處攜枰往同遊黑白爭

四疊韻題實甫恭憑愚誠疏後

嚴家鬯

國狗瘕狂噬天下啞無聲干戈思手衛鐵石不心更亮表
雙篇意飛盟四字情他年青史鑿龔贖與誰爭

五疊韻題實甫敬陳戰事六條疏稟後 嚴家幽

滿紙韜鈴括風馳草木聲兵權天果假殺運爾憑更南楚

臣民憤東山士女情端指第一條
議加兵餉采薇詩再聽卽此敵誰

爭

哭庵自臺南歸抵長沙卻寄三首 南洲黃 尊仲謙

魂東魂北復魂南聞到長沙始駐驂九萬程途心況瘁二

三豪傑夢沈酣草閒何事終偷活蔗尾須知卽轉甘堪笑

劉郎殊鹵莽此番多愧大清男

鐵甲鋼身泊鷺江曾勞斑管下雙雙縱然描盡千般巧新
報君及粒唐丈畫其奈消於一旦降旅順城頭臺屹屹劉
英兵船於廈門公島外浪淙淙而今回首都腸斷利器雄舟逐海瀧

南北依劉計總乖天公畢竟巧安排一身且作猿兼鶴萬
事休言虎與豺行腳苦無移地費慰心思有補天媧慕皋
廬外湖光碧歸日湔除海上霾

光緒乙未長至節後中寶道兄歸自臺嶠重寓蛻園握手
涕洟如在夢寐示予魂北魂東魂南三集輒賦五首題贈
本事則君與予知之可矣不備注也率爾題此卽希校和

甯鄉

程頌萬子大

颺靈招客海南回湖上波濤吼怒雷身後有盃先諡哭眼
中無斗可量才麒麟碧葬留遺蛻駿骨黃金想劫灰漉酒
茫茫向誰所魯東門外受珠臺

倚霞宮觀玉虛龕閒共麻姑索笑譚作賦但悲王傅鵬上
書那得史公蠶夏金鑄鼎姦逾九楚水歸魂集有三何日
原瓊與滂母逍遙同駕鳳皇驂

已從東海哭殷箕又向南詠佛狸嗁鳥應呼奈何帝調
人翻得甯馨兒成灰艦已悲青雀無米炊還送黑旗待洗
神臯迴海水乞他神禹放支祁

香鑪飛瀑挂晴天猿鶴都安厯劫禪萬首生前哀窈窕一

家死後乞神仙衣黏裨海三秋瘴淚灑齊州九點烟草長
鶯飛共阿姊白雲深處立鞦韆

三年乍見猶疑我萬死餘生尙有卿獨抱詩篇入窮髮待
驅海水作長城湘山春滿花無路瑤島人歸月自明若到
西山逢白老誓予相伴學長生

冬月十七夜和實甫道兄游浩園詩一首呈正並求笏公

教正

麓山

釋芳圃

笠雲

玉蟾美清夜金爵閒西楹有客破昏至蠟炬歡揖迎諸天
接雲霄一笑抵河清崇祠廓東園緇素情相傾矍鑠兩髯
翁騰躑類孩嬰且愜林壑意而遺簪組榮軒亭氣蕭爽竹

樹枝縱橫激池鑑僧影曲廊逢客行行憩石磴泛論隘
八紘寶兄有奇氣妙什發中誠望魯蔽龜山懷郢惜方城
無勞密胫篋藏山能力爭鳳兮何德衰時至勢與更百年
不暇計聊樂適有生

冬月夜游浩園奉和實甫仁兄卽呈壺天老人誨政

善化
黃式沅

藍翁

攘攘朝市昏寂寂東城居夜游屏華燭皎月當軒除澄池
鑒清影冬樹猶扶疏林鳥靜不喧微聞天籟嘯二老健要
腳追步慚樞趨約理霏清言蘊妙抉元虛三僧亦矯矯出
入空有無憩石恣歡謔真契泯緇儒寶子天下才經世懷

遠謨感時奮忠義按劍擬驕胡歆歔同仇賦慷慨治安書
天山不可越痛哭返舊閭哀波大壑移適茲眾美俱月固
無常圓斯游亦暫娛歡言永今夕千載復何如

代功臣奉答壺天老兄卽希哭盦大師晒政

王闓運

昔我遊蜀參百吏君言去官不得意問君所志笑不言但
道中興養元氣元氣文康之老親我行九州勞尻輪相看
投老俱削跡殘年邂逅朝宗門南中霜月不易得夜踏冰
華坐寒石火輪旱氣皆清冷但惜素娥憐鬢白愛閒愛月
兼愛僧敲門訪月僧肯磨因尋故宅識楊左便論往事追

胡曾忽發狂言歌五噫雲中月驚卻倒退始知元氣今不
還爲避釐金與洋債每聞家國戒泰驕貧寡不患灾害消
國貧民貧等患耳但欲民富仍奢饒湘軍初起苦無食落
地抽釐仿江北至今雷郭尙爭功豈向川淮算鹽菜自從
五口稅洋商銀餅千萬來海航輸倭百兆一稊米李公笑
倒張公忙用之泥沙不自惜持之與人無吝色君今計較
官與民土沃民淫又何益吾儕衣食皆軍需遊資亦是敗
棄餘且如曾侯李道士崇祠並建何賢愚世人昏昏晝不
醒君今夜吟欲誰聽假饒萬國共來朝不如一瓊江南茗
卻憶曾侯夜飯時一羹豆乳人驚咨

此癸丑在軍中
實事親歷者

憂勤

不救靖港敗誰向空難搖帥旗胡公輦金送冰炭文武紛
紛盡才彥當時袒腹衝礮丸今日聞風遙股戰偶然成敗
何足論魯論半葉不曾翻浮雲富貴從吾好莫問怡園與
浩園

曼韻贈哭龔居士

南嶽釋敬安寄禪

風雅久寥落沅湘復此人高吟追屈宋痛哭爲君親壯志
愁將盡童顏忽已皺千篇餘楚些讀罷欲傷神

微月生寒樹哀笳飛遠聲誰將家國事來繫水雲情莫漫
填悲海相期憇化城三生圓慧業蓮萼共標名

夢得竟成忠孝奪才名句因續成之奉贈仲實觀察卽希

削政

益陽

周振揮

檢齋

漫從元墓傷遺蹟

君感夢晉事
嘗哭弔元墓

已悟張家再託生

夢晉有
何日張

家再託生之句又張船山畫册有張
靈後身章君復得之知已三託生矣

歷盡劫灰存義氣竟

成忠孝奪才名

君丁太夫人艱居喪盡禮墨
經從戎忠孝性成名震海內

離魂忍續東

南集抗疏猶聞痛哭聲

君有魂北集先付梓東南尚續刻
所劾某相國疏讀之令人髮指現

已各省
刊傳矣

九死重臺同是夢

秋中余偕君內渡遂
先返漢皋謁方伯公

壺天世界

尙經營

壺天閣爲方伯
公懸車之地

感懷疊前韻呈哭盦居士

釋敬安

巖谷思棲隱藤蘿苦絆人且將窮作達轉與道相親落葉
紛難埽寒山翠自皴誰云溷塵俗秋水鑒吾神

鬼每素

石鬼什素卷三

七

吳盦叢書

我亦哀時客詩成有哭聲
寒暄看世態生死見交情
野鶴愁將侶閒雲悔入城
會須冥物我妙善豈能名

哭龔大師一笑

甯鄉

周漢

鐵真

老道三更飲且讀書味有餘
酒味足忽聞大聲從東來
虎嘯龍吟雄以哀呼童出視胡
爲哉童子忿言吾懶望哭聲
定是風和尚和尚風魔最可憎
終日號咷行市上三更號
咷到深山擾人清睡夢不安
視作麼生門早關老道聞言
笑且歎和尚胡爲哭到觀和
尚和聽我歌和尚兩眼兩天
河血淚銀濤一樣多
朝湧沓夜湧沓時不利兮可奈何
奈何高高築隄緊閉閘
時來一瀉萬頃波
淨洗醜虜權奸

葬龍壘南無忍淚菩薩摩訶薩娑婆訶

和尚破萬卷道人僅讀四子書斗膽也贈一詩未能免俗
聊復爾爾

周 漢

南嶽地氣久不發山神鬱陶興怒哀火精剛烈克金木變
化生出易子才墨池一灑萬怪作哀風烈發怒迅雷孤忠
屈賈血益熱文辭熊掌膾炙哉政事敏達有過之其蘇文
忠方賜回雖然三人福與命嗚呼吾無所取材乃所願君
王伯安埽蕩禽獸辟草萊殺而奪之伯一位富且貴焉無
後災三子者困一洒之才也加之爲有財陽明而後集再
見伯有二焉百世推東林逸民策風馬笑而招之神歸來

讀實甫道兄北東兩集而悲之題和四首勉錄希政惟久
荒律調愧不能這個這個耳

武陵

陳

銳

伯發

高歌湘社幾經年
揩眼重來哭蕙荃
諧鐸未搜神禹傳詩
鐘遙擬柏梁篇
東征車馬盡沙盡
北望幽燕蜃氣連
莫向楚囚爲楚舞
已拚秋恨化秋煙

飛仙騰蹕訪堪輿
海上神山那得居
度世有緣甘化鶴
移家無券可題驢
三魂渺渺東南北
百感茫茫酒劍書
馬首臨風瞻故國
虬髯何日王扶餘

皋門永閉海門開
不築鈞臺築債臺
東帝俄看西帝出
前
人空使後人哀
荒唐鹿夢蕉陰過
棖觸鷓聲枕上來
洗耳

由巢同潁水此心枯木對寒灰

蕭瑟江關小別頻嗟君痛哭染根塵皋魚阮籍爲前輩賦
鵬懷沙有替人真死必成名士鬼此生難問紫姑神休吟
天子無愁曲留證仙童未了因

休吟句本作還期天女
維摩室難問作休

乙未臘日長沙詩僧笠雲寄禪座中奉贈哭大師一首再
寫呈教

陳銳

幽燕白日風塵昏故人南歸心煩冤長沙酒熟醉逋客凍
雨高檐灑將夕縱橫四座飲復歌菘丁筍片堆鹽花此時
紅梅正吐萼似笑山僧留客多山僧幾歲添詩債肯與吾
宗論流派哭盦無我復無人獨坐寒龕聽天籟看君二十

早成名到家還是一書生三千奏牘世無用十二軍書身
自輕窮秋悲笳動邊色悽愴驚魂逐南北馬首啾啾故鬼
多共道沙場行不得漢家征虜近何如汲生且上和親書
蒲桃美種亦何有不如摘我園中蔬壺天老人殊健哢願
我幽吟貌清減不能方外挂團瓢早向山中辦長鑿密雲
之而天欲冰孤鶴松梢暝不磨勸君此會莫又哭粉壁留
詩笑佛鐙

兄歸旋別賦送

龍陽

易順豫

叔由

湖南冬盡初飛雪哭盦魂來冷作鐵萬里遙從海外歸三
日還爲故園別相看涕淚徒縱橫不如侍父湘上城卽今

時事日凋喪，梟魚賈誼何重輕。猶聞墨經幽燕道，欲請長
纓向倭島。輸金割地事等閒，萬國驚傳筆如掃。就中一事
我最哀，秦廷枉費申胥才。虬髯不作亦已矣，田橫出走胡
爲哉。世事滄桑本棋局，天意難量哭盦哭。百年哭母淚有
餘，偶與中原分一掬。雖分一掬仍吞聲，君前父側安可傾。
半生潦倒嗟予季，九死歸來鑒爾誠。

仲碩五兄世先生歸自遼閩，薄遊湘上，袖出魂東集，見示
唳鶴嗚烏發言，悽憤因而盡讀。琴志樓詩詞集，則皆中年
之作，返奇麗而入老蒼，乃歎少陵入蜀東坡渡海天，特爲
斯世成就一詩人也。吟事久輟，有觸成篇，幸審定之。

道州

何維棣

棠蓀

長劍從軍海南北九死歸來憤填臆袖出春人血淚篇慘
澹乾坤山鬼泣囊底縱橫昌谷句客中刪訂和凝集身行
萬里覓神仙手寫千詩評得失京國論交二十春詞壇君
是七雄秦并時馳騁兩年少王郎夢湘編修長我我長君月白
江亭攜鳳侶日斜香冢弔鸚魂到處園林將進酒無端歌
哭未歸人豐亭芍藥幾開落懽讌一瞥風吹塵自從中歲
愁分轡書生老大權爲吏梁園棠政有賢名湘社萍蹤偶
兒戲青簾上客伴清談絳帳諸生問奇字墜賞低回劉蛻
圍廬煙嶽雨悵離羣我廢莪篇泣黃土君亦萱帷哀白雲

海氛擾攘天胡醉墨經談兵任東事幕府先陳痛哭書邊
城祇有傷心淚詞賦多才王仲宣生年迺值孫曹世誰令
投筆志澄清歧途銷盡英雄氣鮮民吟思冷江湄君到湘
州始有詩高情東野雲龍翼健壽蘇瓌海鶴姿簡授賓筵
花拂座琴張僧館雪傳厄北海書成似君少西華道遇增
予悲城南池館鐙花喜宣南文侶今餘幾城南句一作壺
天僑館芳林綺
高詠銀河落九天終見紫瀾回大海吳闔寒雪萬梅花元
墓仙郎呼欲起類稿差同元禮編著書何必揚雲悔詩到
蘇黃奇外奇吾徒自有千秋在幾日騷鄉共舉杯春來匹
馬又天涯築宮市駿虛燕夢彈鋏歌魚出楚材二喬宅畔

長年客五老峰前後會期南樓秋詠憶般浩蘭亭絕唱儕
微之三復君詩三歎息定文異日君陳思

奉和除夕述懷疊庚辰春闈唱和詩韻

何維棟

黃土搏吾身幸免女兒瓦不作伯鸞噫便學豫讓啞孤憤
別苦廬出關爲謁者邊庭穴虎狼軍檄風牛馬屑涕五國
城奔命諸羅野地比漢珠崖似聞王可假百戰保一隅海
錄疲抄寫憂讒燕將心聊城獨不下紅毛勢已微碧血光
難施願焚合從書得道助者寡時局亦姜嫄廷臣無尾雅
嗟哉吾與子江湖志民社偶效杜司勳罪言用傾瀉
山齋春夜讀仲碩五兄世先生文稿走筆成吟不計工拙

錄呈覽正

何維棣

橫覽中州二十年疏陳政事論安邊罪言莫爲書生諱檢
取樊川戰守篇

禹貢九江紛聚訟長沙下雋是知津漢唐亦主湘西說莫
逐雕菰詆宋人

旅葵篇誼淆梅蹟露犬遺文附會工敢繼康成增一讀千
秋孤證莒敖公

誰從雅詁究萁荻狗鬻崇宗讀若諧解識古文惟子國莫
將改字笑松崖

經韻方言爾雅林四聲轉協耐研尋亭林不信吳才老迺

有禽窮未曉音

嶽色河聲匹馬來夫容盛府鄂州開荆江凝望春天樹中
有扶風絳帳臺

攷字周秦衷許鄭論文湖海揖齊梁絕交論列蕭樓目干

載憑誰議短長

謂行卷中
與友人書

異苔應許託同岑萬古騷鄉不墜音并世論才幾青眼六
通二十五年心

奉諸和作率寄實甫五兄世先生大教

何維棣

空山垂死不能忘

用君和葉
臨恭句

我讀君詩重感傷斯世幾人

同杜鄭論才干載識盧王嘔心珠玉歸蕭選

維棣近撰國
朝駢文二集

錄君文
十數首
放眼荆榛揖楚狂
愁絕一城如萬里
湖南草綠客
心忙

拙詩六章上塵實甫觀察世丈大人鈞鑒

巴陵

吳善慶 小松

公名婦孺知我恨
識公遲神鬼潛號
夜封章再上時
天心如悔禍臣語
實無欺大厦須
梁棟公真一柱支

壯士發悲歌
雄心助伏波
滿腔惟有血
放眼已空倭
不用吾謀也將
如外患何紛紛
和戰議羣彥
愧公多

竟割全臺去
連輸內帑金
多艱今日局
孤憤楚人心
還我長城在
來爲澤畔吟
江湖與廊廟
俯仰覺憂深

美下奇男子爭傳易與劉誰爲軍國計竟阻老成謀東事
嗟何及西征役未休憑軒望戎馬雙淚日交流

濁世才難得函樓有象賢心傷天下溺淚盡短長篇邊徼
狼煙污孤臣虎口還古今雙表在合與臥龍編

聞寶甫將侍旋龍陽矣仍用遜交惠贈元韻贈之

嚴家園

拔劍一起舞聞雞非惡聲乾坤思獨挽臺閣憾難更戰守

遷陳議英俄法款情

皆奏中要議

萬言書懍懍大筆有誰爭

筮得明夷彖歸家闕爾聲奇才須善養正志莫輕更

前書有云

柔順文明尤宜正其志

天地華夷局江湖父子情蒼生他日託一出

息分爭

十四疊韻與哭盦一覽

嚴家鬯

世路皆耳食吾言本心聲畫餅名何謂爲山志勿更屈騷

芬內美

哭盦自幼好讀楚騷

賈策痛奇情

與張南皮臺灣軍事歎爲奇情壯彩

稷契去

已遠身期與古爭

余生平未至衡山峯頂僅往來望嶽而已歲癸巳吳清卿
中丞自衡山歸以詩見示輒次其韻碩甫仁兄遊嶽返會
城垂示詩冊因輒錄前詩呈教

王先謙

尚書昨自湘西回清游汗漫期九垓神山二酉寶書見武
陵桃源花笑開仙居縹緲鈞天作珠璣入唾隨風落極望

峯迴北鄉鴻成陰蓋擁南飛鶴山頭霧雨初冥濛埽出列
嶂撐晴空顯藏默識造化妙正直例與神明通奇情觸目
異忻悵勢作蜿蜒起平曠仰穿巖窟裂坤維俛挹川原窮
楚望祝融紫蓋儼爭長上封方廣亦殊狀鉅海迴瀾入硯
池麗霄捧日迎旌仗我生偪迫老轍環鄉國咫尺辭躋攀
忽然夜夢蹕千丈凌風直入仙官班天梯萬仞不用躡虬
松怪石紛嫋爛危亭岌業俛半山洞庭九疑蒼茫閒奔騰
雲海擁我足大觀始信天非慳虹梁跨空踏飛雪蓮瓣隱
壁開禪關朱張遊屐不到處古木塞路皆蒼顏巖巔金簡
昔已殘螺書龍畫了不閑歸途舜樂妙音送絡絲泉水鳴

淙澗覺來落手瓊瑤重從古奇文欣賞共始知簡牘通精
魂賴有江山獻清供興公自珍天台作吉甫更進崧嶽頌
毛詩吉甫作誦潛夫論三式篇云吉甫作封頌二篇蓋三家詩作頌祝公眉壽如山高願公
善政比戶誦吾儕飽食但甘寢詩筆甯堪作時用

俚句奉題碩甫仁世兄有道游嶽詩卷次上林寺留別韻
錄呈教
王先謙

逸氣凌秋代北鷹未應長嘯讓孫登海天入手四魂集山
寺浮蹤一食僧我亦烟霄望迴雁空思雲路跨飛鵬知君
埽石題詩處七二峯頭朗慧燈

奉和上林看牡丹留別一首呈吳盦大師法教

釋芳圃

老去支公不愛鷹不妨長嘯學孫登好游上剎藏經閣知
是前身受戒僧魂北健兒逞身手圖南冥化看鯤鵬米家
書畫一船載暫隱娛親剔佛燈

廈門歲暮懷哭盦觀察

梁成枏

哭盦心事古之狂振柁分明向豫章我羨匡君同上宅人
傳屈子已沈湘縱無負石身仍在但說尋山志可傷白鷺
洲前分袂處而今回首更淒涼

題四魂集卽效其體

易順豫

斬佞臣頭上方劍係單于頸曼胡纓向日葵猶衛其足呼

天竺不察余情越裳翡翠來無信虛牝黃金擲有聲一疏
血痕猶在否祇應化碧滿神京

右魂北

欺人寡婦孤兒易到此忠臣孝子難平世有軒惟載鶴神
山無路許驂鸞枕戈枕由心誰諒同澤同袍氣肯寒繒帛
和戎身敵愾一般膏血與安瀾

右魂東

地擬築臺從隗始天如懸島待橫來秦庭七日申胥哭遼
海千年丁令哀誓折西枝摧若木翻成左股附蓬萊中原
王氣消沈久況爾飄零未遇才

右魂南

嬰兒中路哀同弁孔子西行返自秦那有龍蛇呼起起似
聞鸞鳳詈申申父兮瞻望嗟予子母也扶持不諒人百死

甘心終不死祇令悽愴慟前身

右歸魂

四魂外集卷四

哭盒叢書

易順鼎哭盒

魂天集詩三十一首

癸巳十一月二十二日在南昌有問天地初闢時事者書此示之

西山

白老兒

天地未闢非未分但如長夜時昏昏中間彼此不見人人亦幾與禽獸倫吁吁喏喏知識渾五穀未辨誰薦新邊問四體其能勤粒食后稷無足論不飲不食全其真惟帝首出治以神渾噩沕穆風氣純九頭之紀還提因

古人稱人爲頭提因

古帝名

盤古尙爲三世孫統系直欲探天根自有禮意無君

臣不父子同一原更無夫婦愛與恩萬物之眾如一身
習慣並覺無身存此非禱杙偕囂囂略無知識不話言南
東西朔失地輪不照日月明星辰塊石皆作泰岱尊條水
大合江河源穴處或恐蛟龍吞巢居又怯鷲鳥鄰天胡毒
我天下民民乃羣奉伊支津卽神堯乃使舜入山麓屯乃使
禹出壺口巡益乃使烈山澤焚棄乃使就高壤耘刑而不
犯咎謨陳倫而能敘契典淪河圖洛書爲世珍今乃直起
庖羲文金弧鐵矢威十軍今乃實與連山羣帝鬻顛頊兼
軒轅五帝近接如朋賓堯亦茫然失所云老兒時已鬻如
銀若無四時需分旬吾已歷萬千餘春請爲一一訴向君

我生居處大海濱兒時弄日乘白雲非烟非霧同氤氳一

邱一壑憑屈伸同道有客稱上頻

皇卽玉

立德先我居重闈

我以好弄無聲聞墮落竟向人閒塵儷皮我實製姻婚娶
妻始壻塗山門禹爲後輩兼戚親請吾治水同奇勛自北
而南方位循由高而下原隰遵冀有支祁揚朱豚水怪中爲
梗塞時突奔舍之物怨還民冤擊之天覆復地翻一水不
治萬國煩導河幾莫由崑崙老兒搖手使莫喧一笑倒牽
壘與龍禹乃得展其經綸至今思之皆元元

甲午三月二十一日有感示易寶甫作

白老兒

出處商千古浮沈託藐躬花開難見月樹大易招風精衛

初填海中郎已爨桐一官輕似葉堂上有衰翁

復得一首卽贈其尊人函安

白老兒

故鄉山水好樓臺兒女團圓亦快哉留我半生長自在先
人一著早歸來功名退步無生訣天地當年欲殺才回首

時流舊依託而今知免處堂灾

處堂一作共焚

九月二十九日告寶甫五弟

女兄真一子

母恩彌重報彌難膽苦終能勝膽寒無限心情天上曉莫
愁珠闕女王單

十二月十七日於京師常德會館示易寶甫二首

白老兒

南國有佳人求之不可得遇我寤寐中佳人絕代色相見
一攜手但覺芬芳襲芬芳入我懷願子長相來宜言與飲
酒酌酒與徘徊徘徊歌一曲勸君莫須哀

其二

死生有定數何事苦相促顏回亦已天盜跖且獲壽此中
非難解人事適相觸轉瞬百年期猶如風中燭媿我閱世
久不爲塵網束與子同攜手爲君剖衷曲富貴總成空妻
子暫追逐人壽亦幾何相催乃太速浮雲無定鄉起伏從
吾欲痛飲眞吾師名言自不朽薇蕨養吾仁槁餓追芳躅
尼山有大隱疏水樂亦足猛省卽回頭道岸能瞻矚悠悠

千古心薪傳一綫續

十八日示易實甫

白老兒

朝走燕趙暮吳越我所思今在南國變幻天矯如神龍鱗
甲盡向雲中沒出作甘霖徧羣黎禱祝有年何時得世事
滄桑歸眼底人生聚散如明月明月自缺還自圓人生蹤
跡總茫然滿腔熱血向誰灑化作齊州九點煙煙消霧淨
日已曉來來往往知多少斬蛇逐鹿幾度忙混沌乾坤又
將老與君覲面贈君言萬事不如歸去好

示王夢湘以敏

白老兒

王郎拔劍亦奇才曾向涼州作使回收徧琪花與瑤草狄

公藥籠載歸來

王君前生爲唐詩人李羣玉

十九日疊韻示易實甫

白老兒

遠望定王思母臺麻衣草履亦哀哉未從太白騎鯨去疑
是丁威化鶴來佛骨有靈留法相禪心入定勝詩才九天
旂鼓眞王運快濟蒼生火熱災

再疊前韻

白老兒

元精耿耿此靈臺收伏羣魔亦壯哉豪傑田閒方崛起將
軍天上自飛來鴻濛已運陰陽炭駿骨長埋今古才事到
於今尤怪誕更無他法禳奇災

二十一日於常德會館作示五弟

眞一子

養雲天變養雪天天本無心總自然我何不作神仙戲手
翦松花挂樹顛

雪泥鴻爪有前緣子住人閒我住天江山無恙曾過眼日
月如梭年復年

又

真一子

月明人已靜猶自照寒空看世歌燕趙容人樂鼓鐘侯王
原可傲卿相豈難逢仙子因風出風同唱乃通

又

真一子

人生何處不相逢只恨相逢是夢中夜色鄉心歸乃得明
朝又自各西東

奉母命示五弟四言

眞一子

其雨其雨盈虧有數迷途未遠匡廬可住母弟同居天倫
樂趣中有至理惟人自悟明月清風入我懷袖鶴嘯鸞吟
雲中獨步嗟曰余季尚宜愛護春日春風歸期莫誤予不
多言暫從此去

二十三日示五弟

眞一子

子兮子兮下紫霞雲天有路亦了又吞天巨口扃日月手
把聖風玉女車

四言再示五弟

眞一子

右拍夫容左挹赤松三清遊戲雲蓋青封有美一人天上

言衷三月不見予心忡忡

九月初五日在漢皋舟中予弟生辰與母同來

天天有

請來道相逢人生會合猶如萍踪向趨渺定飄泊隨風三

離

三異

三坎

三兌

左右有冲吾弟須記慎乃有功曰予不

信我言雷同天理有在循環其中多言亦贅善持乃躬諸
宜珍護全始全終母兮有靈歡喜瓊宮予將去矣鸞鶴昇
空

又

真一子

玉口金身一箇人來來往往總無因紅塵隔絕三千里幾
番猶疑夢裏身

又

真一子

月圓月缺月長明
今月曾照古人行
今人不見古時月
不知月從何年生
今月古月同一月
分照兩人一般情
世人但喜月圓好
世人那知月缺早
月到圓時月已缺
人生容華亦已老

又

真一子

我是池中蓮不染
纖毫塵西風吹露冷
還我本來身

又

真一子

春雨春風一寸魂
年年送客玉關門
清明便是思親日
楊柳歸途舊夢痕

二十三日偶書

白老兒

我來也君不見我去也君不見舉頭看惟有明月半輪白
雲一片那管他酒闌更靜人影散是何處笛聲兒隔牆飛
度聽分明教儂意亂還有一箇夢中酣眠待誰去喚

二十四日示五弟六言

真一子

今夕月明人靜五更風露自冷釀雪天氣悄然戍樓鼓角
聲警我本局外閒身諸君尙宜猛省十萬健兒騰飽箇箇
顧盼雕錦不日斬將舉旗真與諸君痛飲其中有美一人
飄然子身遠引丈夫恥受侯封獨自追踪箕穎匡廬有約
歸來從此名山終隱母子同住一天手足如同形影寥寥
只此數言中有至理自永

醉後漫筆

白老兒

酒龍詩虎不能降十二萬年古戰場
斬盡羣魔參正果滿天雷火鬪元黃

偶作

眞一子

富貴男兒足上塵幾人疑假復疑眞
玉門風雨薊門雪斷送長途夢裏身

乙未三月十一日角山靈宮示山海關帥幕諸子

忠孝道人呂純陽

飛上千巖萬壑顛諸君何意訪神仙
只將莽莽邊烽淨便抵笙鸞入九天

魂天集

四魂外集卷四

七

哭壘叢書

三月十一日從薩爾許會劉大刀將軍過山海關角山寺

示帥幕諸君

諡忠節 鹿善繼 明史有傳

有一人兮乃遠在西山之麓披荔蘿兮爲依依蒼崖兮爲
屋雲郁郁兮黃塵濛濛羌邊草皆兵兮亂石雜殘軍之骨
嗟浩劫其何極兮天意夢其鬱鬱余亦昔之鬼雄兮佐高
陽之密勿扈屯運兮未酬血碧擬萋君之在蜀諸君繫康
濟夫艱難毋徒效新亭之痛哭兵烽有時休兮丹赤永千

齡兮萬祀

五月十九日上海點春堂示諸子

白老兒

走徧蓬萊萬仞山乘鸞跨鶴白雲閒神仙不逐紅塵隊瀛

海波濤自往還

回西山後寄易實甫

白老兒

掌握雷霆氣吐虹壯君墨經此從戎天南俛瞰鷹孤立翼
北歸來馬一空投筆幾人如定遠請纓千古失終童獨憐
芳草湖南綠悵望家山白髮翁

十一月十一日偕瑩女於長沙示鼎

母陳夫人霞中君

同讀楞嚴尚未休太虛處處不知愁人閒天上當相聚九
品蓮花一笑不

十二月十四日於瓊宮示鼎用前韻

霞中君

事業千般尚未休好將平澹洗牢愁乾坤奇秘因兒洩識

魂天集

四魂外集卷四

八

栗齋叢書

得天公雅意不